

რეგიონული ჰაბ-ების შერჩევის პირობები

შიდა ქართლი

ტექნიკური დავალება

წინასიტყვით

ევროკავშირისა და კონრად ადენაუერის ფონდის მიერ დაფინანსებული პროექტი „სამოქალაქო საზოგადოების ინიციატივა: მდგრადი, ღია და ანგარიშვალდებული სამოქალაქო საზოგადოების ორგანიზაციები საქართველოს განვითარებისთვის“ მიზნად ისახავს, გააძლიეროს სამოქალაქო საზოგადოება როგორც დამოუკიდებელი, მდგრადი, გამჭვირვალე და ანგარიშვალდებული აქტორი მთელი საქართველოს მასშტაბით.

პროექტს სამი კონკრეტული მიზანი აქვს:

1. საქართველოში სამოქალაქო საზოგადოების მდგრადი განვითარების ხელშეწყობა, პოლიტიკური და ფინანსური გარემოს გაუმჯობესება, ასევე, კორპორაციული სოციალური პასუხისმგებლობის (CSR) კულტურის პოპულარიზაცია.
2. სამოქალაქო ღირებულებების პოპულარიზაცია, თანამონაწილეობისა და საზოგადოებრივი ჩართულობის ხელშეწყობა, სამოქალაქო საზოგადოების ორგანიზაციებსა და მათ სამიზნე აუდიტორიას შორის კავშირების გამყარება.
3. ქვეყნის მასშტაბით სამოქალაქო სექტორის ინსტიტუციური გაძლიერება და სამოქალაქო საზოგადოების ორგანიზაციების შესაძლებლობების განვითარება, განსაკუთრებით ზედამხედველობისა და ადვოკატირების თვალსაზრისით.

პროექტს ახორციელებს კონსორციუმი კონრად ადენაუერის ფონდის (KAS) ხელმძღვანელობით შემდეგ არასამთავრობო ორგანიზაციასთან ერთად - საქართველოს სტრატეგიული კვლევებისა და განვითარების ცენტრი (CSRDG), სამოქალაქო საზოგადოების ინსტიტუტი (CSI), კონსულტაციისა და ტრენინგის ცენტრი (CTC), განათლების განვითარების და დასაქმების ცენტრი (EDEC) და ევროპული პოლიტიკის ინსტიტუტი (IEP).

"სამოქალაქო საზოგადოების ინიციატივა" ემყარება ევროკავშირის მიერ მხარდაჭერილი პროექტის "სამოქალაქო საზოგადოების განვითარების ინიციატივა" (CSSIGE 2017-2020) განხორციელების პროცესში მიღებულ ცოდნასა და გამოცდილებას.

მიზანი და ამოცანები

ეფექტიანი და მდგრადი შედეგების მისაღწევად, ასევე რეგიონულ და ეროვნულ დონეებზე გამოცდილების გაზიარებისა და თანამშრომლობის ხელშესაწყობად, პროექტი ითვალისწინებს **10 რეგიონული ჰაბ-ის შექმნას** საქართველოს ათივე რეგიონში. ჰაბ-ის ფუნქციებს ასრულებს შესაბამის რეგიონში შერჩეული ადგილობრივი სამოქალაქო საზოგადოების ორგანიზაცია.

ჰაბ-ის ამოცანები (ფუნქციები) შესაბამის რეგიონში მოიცავს:

- „სამოქალაქო საზოგადოების ინიციატივის“ ცალკეული ღონისძიებების დაგეგმვასა და განხორციელებაში მონაწილეობას;
- ადგილობრივ აქტორებთან (სამოქალაქო საზოგადოების ორგანიზაციები, სათემო ორგანიზაციები, თვითმმართველობა, ბიზნესი, მედია და ა. შ.) კომუნიკაციის ხელშეწყობას;
- სამოქალაქო საზოგადოების ორგანიზაციების როლისა და საქმიანობის შესახებ ცნობადობის ამაღლების კამპანიებში მონაწილეობას (გამოფენები, კონკურსები და ა.შ.).
- ადგილობრივი სამოქალაქო აქტორების შესაძლებლობების განვითარებისაკენ მიმართულ ღონისძიებებში (ტრენინგებში) მონაწილეობას;
- საკუთარი, რეგიონის სპეციფიკის შესაბამისი ღონისძიებების დაგეგმვასა და განხორციელებას.

წინამდებარე კონკურსი ადგილობრივი სამოქალაქო საზოგადოების ორგანიზაციებისთვის ცხადდება ჰაბ-ის ფუნქციების განსახორციელებლად **შიდა ქართლის რეგიონში**.

შერჩეული ორგანიზაცია მიიღებს ინსტიტუციურ და ტექნიკურ მხარდაჭერას **60 ათას ევრომდე მოცულობის** გრანტის ფარგლებში. რეგიონული ჰაბ-ის მხარდაჭერა დაიწყება **2021 წლის 1 ივლისს** და გაგრძელდება **2024 წლის 30 ნოემბრამდე**.

„ჰაბ“-ების ფუნქციების შესახებ დეტალური ინფორმაციისთვის, გთხოვთ, იხილოთ დანართი I.

შერჩევის კრიტერიუმები და პროცედურა

გამჭვირვალე და კონკურენტუნარიანი შერჩევის უზრუნველსაყოფად, ტექნიკური დავალება განსაზღვრავს რეგიონული ჰაბ-ების შესარჩევ **კრიტერიუმებსა და პროცედურებს**

შერჩევის კრიტერიუმი

ზემოხსენებული მიზნებისა და ამოცანების მისაღწევად, სამოქალაქო საზოგადოების ორგანიზაციამ უნდა დააკმაყოფილოს შემდეგ მოთხოვნები და წარმოაჩინოს შემდეგი კვალიფიკაცია:

ა. ფორმალური კრიტერიუმები (სავალდებულო)

მხოლოდ რეგისტრირებულ სამოქალაქო საზოგადოების ორგანიზაციებს შეუძლიათ მონაწილეობა მიიღონ კონკურსში ჰაბ-ის მანდატის მოსაპოვებლად. კანდიდატი:

- უნდა იყოს დარეგისტრირებული დამოუკიდებელი ორგანიზაციის სტატუსით შიდა ქართლის რეგიონში.
- უნდა ჰქონდეს საქმიანობის გამოცდილება შიდა ქართლის რეგიონში.

ბ. კვალიფიკაცია

- **ადამიანური რესურსი** (ამჟამად, შტატის თანამშრომლების რაოდენობა, პროექტის თანამშრომლების რაოდენობა; მოხალისეების რაოდენობა)
- **ორგანიზაციული მართვა და შესაძლებლობები** (ხედვა და მისია; მმართველობის სტრუქტურა და შიდა რეგულაციები; ორგანიზაციის ოფისი და ინფრასტრუქტურა)
- **პროექტების განხორციელების გამოცდილება** (გარე წყაროებით დაფინანსებული პროექტების რაოდენობა და ხანგრძლივობა, მათ შორის მიმდინარე პროექტების რაოდენობა და ხანგრძლივობა)
- **ფინანსური მდგრადობა და მართვა** (წლიური ბრუნვა, ფონდების დივერსიფიკაცია; შემოსავალი და დანაზოგი; ფინანსური აღრიცხვის პოლიტიკა და მექანიზმები)
- **შიდა და გარე კონტროლი და გამჭვირვალობა** (შიდა კონტროლის მექანიზმები, ჩატარებული გარე აუდიტის რაოდენობა)
- **გარე კომუნიკაცია, ადვოკატირება და გავლენა** (გარე კომუნიკაციების მექანიზმები; ქსელური მუშაობა და წევრობა)

გ. დაინტერესებულმა სამოქალაქო საზოგადოების ორგანიზაციამ უნდა წარმოადგინოს შემდეგი ინფორმაცია საპროექტო განაცხადის სახით:

- საკუთარი კვალიფიკაციის თვითშეფასება, სადაც გამოკვეთილი იქნება შემდგომი ინსტიტუციური მხარდაჭერის საჭიროება;
- შინაარსი, ვადები და დეტალური სამოქმედო გეგმა, რომელიც აღწერს მათ მიერ, მიმდინარე პროექტის ფარგლებში, რეგიონული ჰაბ-ის მანდატით განსახორციელებელ მხარდამჭერ და დამოუკიდებელ საქმიანობებს;
- დეტალური ბიუჯეტი ინსტიტუციური ხარჯებისა და სამოქმედო გეგმის დეტალური ხარჯთაღრიცხვის ჩათვლით.

შერჩევის პროცედურა

რეგიონული ჰაბ-ი შეირჩევა „სამოქალაქო საზოგადოების ინიციატივის“ განმახორციელებელი პარტნიორი ორგანიზაციებისგან შემდგარი პროექტის მმართველი საბჭოს მიერ.

რეგიონული ჰაბ-ი შეირჩევა ზემოთ ხსენებული კრიტერიუმის (ა,ბ) და საპროექტო განაცხადის (გ) საფუძველზე. საბჭოს შეუძლია მოითხოვოს **ინტერვიუ** და/ან **ადგილზე ვიზიტი**.

ვადები

მოცემულია სავარაუდო თარიღები. განახლებული ინფორმაცია გამოქვეყნდება დაუყოვნებლივ:

ცხრილი 1. ვადები

	საქმიანობის აღწერა	ვადები
1	საინფორმაციო შეხვედრა (ონაღინ) საინფორმაციო შეხვედრაზე დასარეგისტრირებლად გადადით <u>ამ ბმულზე</u> .	10 ივნისი, 2021, 18:00 სთ.
2	განაცხადების წარდგენის ბოლო ვადა	15 ივნისი, 2021, 18:00 სთ.
3	ჰაბ-ების შერჩევა მმართველი საბჭოს მიერ	21 ივნისი, 2021
4	კონტრაქტების გაფორმება და საქმიანობის დაწყება	1 ივლისი, 2021

საკონტაქტო ინფორმაცია

შერჩევის პროცესთან დაკავშირებული ყველა ინფორმაცია გამოქვეყნდება და განახლდება ვებ-გვერდებზე: www.csogeorgia.org და <https://www.facebook.com/CSSIGE/>.

დამატებითი ინფორმაციისთვის გთხოვთ დაუკავშირდით:

დანი თაბუკაშვილი

ჰაბ-ების მენეჯერი

ელ-ფოსტა: dani.tabukashvili@cssige.eu

ტელეფონი: +995 577 38 58 78

მისამართი: შავგულიძის ქ. 7 ბ. თბილისი, საქართველო

განაცხადი

დაინტერესებულმა ორგანიზაციებმა უნდა წარმოადგინონ:

- პროექტის განაცხადი და სხვა თანმხლები დოკუმენტები დანართების სახით
- დეტალური სამოქმედო გეგმა ექსელის ფორმატში
- დეტალური ბიუჯეტი ექსელის ფორმატში

ყველა დოკუმენტი უნდა გაიგზავნოს **ქართულ ენაზე**, ელექტრონულ მისამართზე dani.tabukashvili@cssige.eu და ველში „subject“ მიეთითოს „**ჰაბი-მიდა ქართლი**“.

გთხოვთ, ისარგებლეთ განაცხადის ფორმით (დანართი II).

განაცხადების წარმოდგენის ბოლო ვადაა 15 ივნისი, 2021, 18:00 სთ. (თბილისის დროით).

დანართები

1. დანართი I – ჰაბ-ების ფუნქციები სამუშაო პაკეტების მიხედვით
2. დანართი II - განაცხადის ფორმა